

Na osnovu Zakona o javnim nabavkama Bosne i Hercegovine („Službeni glasnik“ broj: 39/14), člana 7. stav (b) Pravilnika o postupku direktnog sporazuma Elektrotehničkog fakulteta u Sarajevu (broj: 02-1-614/15 od 04.02.2015. godine) i Odluke o direktnom sporazumu (broj. 12-1252/19 od 27.03.2019. godine), zaključuje se

## UGOVOR O JAVNOJ NABAVCI

Između ugovornih strana:

ELEKTROTEHNIČKI FAKULTET U SARAJEVU - ID broj: 4200304450006, sa sjedištem u Sarajevu u ulici Zmaja od Bosne bb, koga zastupa dekan prof.dr Samim /Malić/ Konjicija (u daljem tekstu: Kupac)

i

"MIA MARKET" d.o.o. Sarajevo - ID broj: 4202105590004, adresa Džemala Bijedića br. 160., koga zastupa direktor Asim Šuvalić (u daljem tekstu: Prodavac)

### Član 1. (Predmet Ugovora)

Predmet ovog Ugovora o javnoj nabavci (u daljem tekstu: Ugovor) je sukcesivna isporuka tonera za štampače za 2019. godinu, od Prodavca za potrebe Kupca, a po osnovu direktnog sporazuma zaključenog između ugovornih strana.

### Član 2. (Obaveze Prodavca)

Prodavac se obavezuje da će:

- u skladu sa odredbama ovog Ugovora redovno snabdjevati Kupca, a skladu sa zahtjevima, potrebama i narudžbom Kupca,
- isporuku tonera izvršiti prema nalogu Kupca, u roku od najkasnije 1 (jednog) radnog dana od momenta narudžbe od strane Kupca,
- isporuka tonera biti propisanog kvaliteta, u traženim količinama i u dogovoreno vrijeme i
- isporučiti robu u skladu sa zahtjevima Kupca i da će odmah postupiti po eventualnim primjedbama Kupca, u pogledu nedostataka na kvalitet izvršene isporuke.

### Član 3. (Obaveze Kupca)

Kupac se obavezuje da će:

- blagovremeno obavijestiti Prodavca o načinu, mjestu, količini i terminu isporuke tonera,
- pismeno obavijestiti Prodavca o mogućim propustima i neispravnostima prilikom isporuke tonera i
- utvrditi razuman rok za ispravku propusta prilikom isporuke tonera .

### Član 4. (Povjerljivost)

Ugovorne strane se obavezuju da će trajno čuvati kao poslovnu tajnu sve povjerljive informacije te da neće otkrivati ili na bilo koji način nedozvoljeno koristiti informacije koje se odnose na poslovanje.

Član 5.  
(Naknada i način plaćanja)

Kupac će nabavljati tonere za štampače sukcesivno prema potrebi i narudžbi od Prodavca do kraja kalendarske 2019. godine, u iznosu do 6.000,00 KM (šesthiljada i 00/100 KM) bez PDV-a. Kupac će plaćati fakture za isporučenu robu u roku od 30 (trideset) dana od dana dostave fakture, ukoliko isporučeni toneri budu zadovoljavali kvalitetom.

Iznos naknade će se plaćati na žiro račun Prodavca, kod odgovarajuće banke u Bosni i Hercegovini. Pripadajući porez će se obračunati i platiti u skladu sa zakonom.

Član 6.  
(Rješavanje sporova)

Za sve eventualne sporove po bilo kojem članu ovog Ugovora, ugovorne strane su saglasne da probleme i nejasnoće rješavaju sporazumno u razumnom roku, u protivnom odlučuje stvarno nadležan sud prema sjedištu Kupca.

Član 7.  
(Završne odredbe)

Ugovor je sačinjen u 4 (četiri) istovjetna primjerka od kojih svaka ugovorena strana zadržava po 2 (dva) primjerka.

Ugovor stupa na snagu danom potpisivanja.

U znak prihvata svih prava i obaveza iz ovog Ugovora, ugovorene strane svojeručno ga potpisuju.

ZA PRODAVCA

-----  
Direktor, Asim Suvaić

ZA KUPCA

-----  
Dekan, prof. dr. Samim Konjicija

Broj: 02-1324/19  
Datum: 29.03.2019